

皇清文穎續編

皇清文頴續編卷三十五

頌

聖德徵實頌

謹序

曹振鏞

臣振鏞言

臣

謹按易象辭曰剛健篤實輝光曰

新其德王弼注曰夫能輝光曰新其德者惟剛
健篤實也誠以德裕於剛健而敦於篤實自古
帝王福因德致治與道融懋景運迓鴻釐莫不
本夫實心實政以凝禧納祐焉欽惟我

皇上體膺上聖釀化覃敷茲恭逢

五旬萬壽慶辰時和序康中外禔福醴飲景照者熙

熙於

義年昊歲中咸願繪句締章吹豳擊壤以揚摧乎

垂祥錫羨之庥

介祉延洪之慶而

聖諭以羣臣進冊毋得習佻巧當辭歸體要抒下情

而宣

上德庶合乎對揚之義大哉

聖言黜華崇實不尚虛文

意至深也典至鉅也昔左思云美物者貴依其本讚

事者宜本其實

臣

兩世蒙

恩叨被

榮遇目覩夫

聖人之至德懋淵同符

昊緯而又得熟讀

聖人之詩文以互證而發明夫乃知

聖人之政實政也

聖人之詩紀實之詩也

聖人之文紀實之文也詩譜謂頌之言容天子之德

光被四表格於上下無不覆幬無不持載此之

謂容於是和樂興焉頌聲乃作

臣謹以

皇上福綏之厚

祇敬之隆

勅幾之謹

孚惠之周

執中之正

訓儉之殷

敷文之廣

經武之宏

存誠之篤

受祐之繇撰爲頌十篇篇四章章十六句而統括之

曰

聖德徵實頌自維蕩劣雖未足揄揚

盛德而語不失實信而有徵於

聖天子以實心行實政之

宸衷或有當焉謹拜首稽首以獻

福綏頌第一

天祚

皇清保佑命申虹流電繞篤生

聖人

聖人有真日新又新

帝誕庚辰

帝位丙辰庚庚炳丙振美相循循環無極符瑞並臻

十月良月小春長春

五旬衍算

億萬萬旬

一章

昔在

高宗眷求篤祐大寶曰位

聖作物覩癸巳告

天癸卯告

祖爲國得

君爲民得

主

授

受大廷唐虞踵武二典勲華兩階千羽

鴻儀式彰超越萬古萬古爲昭

恩洽施普 二章

錫福

嚮福

授政

訓政以

心印

心以

聖紹

聖

握錄膺符體元居正三載祇承烝烝

孝敬

武烈

文謨

寅威

寶命同符日月連光接鏡

帝室凝祥

皇家紀盛萬國作孚萬邦貽慶

三章

考慈

考眷

奎章屢吟

聖有謨訓

帝用丕欽敬瞻

手澤孺慕增深

前徽繼軌

至孝根心展親睦族式暢

宸襟天潢瀛選冠冕詞林

惇敘曲宴

詩步

元音

龐禔溥密福祉具臨

四章

祇敬頌第二

懋膺

鴻貺輦自

顥穹歲

三大祀必

親必

躬崇崇

青壇肅肅

齋宮齎盛告潔犧牲告充九叩默禱一誠感通

神其介福景祚斯融

祈穀穀熟

祈年年豐

常雩雩雨甘雨和風

一章

園丘尊

天

方澤親

地

南郊

北郊冬至夏至

帝有

心傳敬之一字闡發精言垂爲

二記肸鬯豐融芬芬懿懿山川羣神咸肅祀事祀事

孔明樂修禮備

皇心孔虔弗侈祥瑞

二章

列祖燕詒

六朝實錄

宸興嚮晨冬宵秉燭

莊誦回環日披

寶錄載

莅陪都土風舊俗騎射必嫻衣冠必束

展禮

珠邱虔陳牲玉

考賦盛京

頌章敬續

聖孝之隆

聖敬之篤

三章

司天占候節氣是推風來何方震兌巽離先期入告

戒爾虛詞

帝曰欽哉慎乃攸司其後三日而奉

天時以資修省以答

昊慈靈臺何測章蔀何知敬之敬之

天維顯思

四章

勅幾頌第三

勤政惟

皇勵精圖治

箴示其規

記敷其義

丹筆批章

紫宸決事

詔旨日頒傳宣

上意奏牘時披諮諏廷議却彼貢珍斥彼言利責彼
偷安黜彼怠棄不懈于

位民之攸暨

一章

屏書無逸

天筆敬循依經

著論

重巽以申

御門聽政

省方觀民引

覲羣吏

召對近臣

導言納諫以虛受人靡幽不揭有隱必陳萬方機務

馳驛是

詢郵報隨遞無間宵晨

二章

法

天行健不息自彊

睿念周至請舉大綱天時雨暘地利耕桑內外臣庶
士農工商穀數民數河防海防我漕我糧我庫我倉
事無弗理謀無弗臧

勤則不匱曰

壽而康

三章

宗室有

訓八旗有

三才圖會卷之三
二
箴時幾勅命

顧謔惟欽敬爲勤本至理研尋以勤涖政以敬居心
敬戒不怠接以精忱遇事洞燭安和情愔我

皇祇敬

帝謂聞音

殿廷懸額

天日照臨 四章

孚惠頌第四

惠心元吉

仁愛蒼生

占晨問夜與時偕行夏

禱甘霽冬卜祥霽

句吟望雨樂備祈晴河徙河復

軫念平成

恩施疊沛百室以盈損上益下豫大豐亨老忭康寧
爲

聖人氓一章

昉昉原隰藹藹桑田衣食之裕厥爲民天

四推聿遵一墾則先耕耜禾詞歲有

鴻篇

厓懷菀屋嗣響

薰絃

詩題耕織圖

詠木綿幽風時序

長歌載宣

觀麥

觀稻虔祝康年

二章

亦有偏災

帝大賚之亦有稽逋

帝寬貸之給種緩征

恩期下逮蠲賦截囷

仁施博愛官輸其租農秉其耒展賑常賑至三至再

毋飽吏胥諄諄

聖誨藏富厚生軼於三代

三章

民之無知罹彼桁楊

帝心憫焉導以慈祥哀敬折獄

至論孔彰明慎用刑

輿說綦詳秋讞

親覈

宵旰其憂平反冤案顯忠遂良雞竿植

恩含物化光善氣所迎壽我

聖皇

四章

執中頌第五

太阿在握權不下移

君真堯舜臣孰皋夔

天語一發衆論皆卑

帝光所屬纖悉周知

親政伊始電掣星馳首除大憝去邪勿疑懲貪徹祿

言出法隨官方澄敘厥中

執之一章

秀民屯聚蓮教萌生蔓延於蜀鼓煽於荆

詩留望捷

心厯洗兵

帝善繼述振以

天聲練團集勇樹柵連營堅壁清野堡寨如城

九重密運三省蕩平殲魁折醜惟斷乃成

二章

豫州北岸曰衡家樓大河奪溜衝決隄頭或謂北徒
聽其自流

皇帝曰咨其亟堵修七省漕運萬姓田疇改絃更張
嗤彼道謀合龍功告帆檣連舟

審幾善斷共仰

皇猷

三章

聖人在上如日方中均霽齊載歸於大同作奸作僞
嗟哉愚蒙

執法罔宥斷自

宸衷剔除積弊挽救頽風

詩以懲蠹

詩以憫忠凡百卿士敬爾在公

考言詢事

天高聽聰

四章

訓儉頌第六

邳治攸隆

盛德攸崇開福之源大盈若沖慎乃儉德

立論宏通博節愛養物產殷充日削月朘杼軸其空

唐堯茅茨夏禹卑宮創業守成道無異同我

皇垂範行之自躬

一章

昔者

東巡昨歲浞津豫

申誥誠舊章凜遵

翠華所莅表率臣民

帷宮無燦

帳殿無新輿衛無擾烝徒無瞋禁奢防佚風俗歸淳
儉貴有節期於愛人

節儉一論大哉

堯仁 二章

眷懷

先緒繼繼繩繩甲奮十三東海

龍興故宮樸穆土壁葛燈

高宗示訓

皇帝親承祀

神帷幔其舊之仍冗費裁汰有減無增節以制度庶
績其疑元氣培護

祥發慶膺

三章

儉以養廉古訓是式

咨爾臣工體予儉德毋恣侵漁毋蹈貪墨毋削脂膏
簠簋不飭毋受苞苴貨利自殖淡泊明志爾修乃職

惴惴無華爾宣乃力讀

崇儉詩

皇建有極

四章

敷文頌第七

帝臨

辟雍載見鸞旗

帝蒞

經筵載肅龍墀

帝幸翰苑載翥鴻儀

文思

文治

御論

御詩

清暉之閣觀書

記之資治通鑑手不停披週而復始

乙夜忘疲

尊聞

典學

君作之

師一章

聖學淵粹黼藻斯彰

味餘刊布法

樂善堂

初集

二集金薤琳瑯

鴻篇萬億紹我

純皇薩許書事

偉績丕揚松山杏山載

宣

重光七十二候

聖製煌煌二十四氣倬矣

天章

二章

好古敏求

生知秉質

怡情書史

幾餘罔逸

詠左傳詩春秋之筆

題尚書篇典謨之實

睿藻光騰聖經功密

集編八年

篇無虛日

陪京黷宮新

頌籤帙

教澤涵濡

德澤洋溢

三章

右文稽古探微索幽

觀文成化遠紹旁搜

熙朝雅頌顯彼才猷詞林典故勗爾瀛洲十四志

國史載蒐一百卷續

宮史重修會典書纂全唐集哀富哉

文穎造化雕鏤

四章

經武頌第八

天錫神武

功績

十全掃除苞孽綏靖戈鋌藁街俘遞棧道纍傳平定

紀畧

同樂句聯黔黎蒙

福鑿井耕田新兵廿韻

守法垂篇海洋首逆聚而殲旃

至仁必勇

威著績宣

一章

南苑春蒐

帝恩

考眷試馬平原逐覬芳甸海子

詠懷

聖人灼見

太液嬉冰

宮門視箭武備時勤

先勞無倦

申諭封疆嚴飭將弁

儆以怠荒

訓以精練動合機神發符雷電

二章

典舉秋獮歲

幸木蘭羣山分幹大嶺興安圍場翼翼整旅桓桓
獵雪獵萬騎跨鞍

天弧命中藩部騰歡二麇馳獻

神御雲端詰戎講武

開創艱難

作記示則豈耽游盤

三章

武不可覲武不可黷

聖世威稜聞風懼伏馬有薪芻爰立廐牧兵有室家
爰增養育

恩澤所施滋液滲漉今歲

慶辰罄宜戩穀

山莊

御園發鎗獲鹿是爲吉祥

受

天百祿

四章

存誠頌第九

實心

實政

文聞

原誠誠通誠復元亨利貞爲

君止仁仁以誠行爲臣主敬敬以誠生才德

說廣義利

辨精利由義剖才由德成中孚无妄保泰持盈維

誠則形惟

誠則明

一章

誠以格

天祇祇肅肅

誠以化民雍雍穆穆

誠以持躬達聰明目

誠以馭臣推心置腹直道無私嘉言罔伏包括崇卑
戒欺慎獨信逮豚魚功參化育悠久無疆

一人膺福 二章

道守存誠

功先戒僞

立說重申發明大義真實是求

萬幾萬事虛詐是懲小巧小利閑邪存誠勿逞奸智
修辭立誠勿炫詭異精白乃心靖共爾位

帝曰俞哉期于予治 三章

養心室

記

養心殿

銘心應庶事心通萬靈

聖心善養昭昭惺惺志道據德閱史披經

念周寰寓

義正宮庭中和位育

皇心載寧

澤物九有

福衍億齡

至誠無息

至德維馨

四章

受祜頌第十

元正元日

綸詔恩頒祥光瑞彩照耀宇寰衢歌巷舞廊市通闔

太和

錫宴鷺序鵷班慶雲

殿上湛露霄間稱觥

賜爵喜洽

天顏

萬年甲子週轉如環

大德得壽

壽亘南山

一章

慶勝作人仁風丕扇棫樸芃芃鳧興藻忭丁卯前科

老臣蒙

簪花甲重周鹿鳴重宴今春禮闈耆儒文戰三百餘
人盛事稀見渥荷

隆施頭銜豔羨以攬衆英以培羣彥

三章

丹浦堯勲阪泉軒德

帝世恩威被之下國我

朝幅員廣大莫測東西朔南及於殊域

壽宇同歡養輪孔亟六盟王公四衛拉特獻佛祝

釐時萬時億億載萬年與天無極

三章

帝德蕩蕩

帝福穰穰雲仍兆慶弈葉延祥

祥開

慶衍長奉

壽觴

壽觴競進拜手賡颺

臣受

知遇忝效趨陰起家翰苑報

國文章事維紀實頌匪鋪張祝

聖人壽

聖壽無疆 四章

皇上五旬萬壽恭頌

依四聲全韻一百六章
謹序

茹 菜

皇帝御極之十有四年歲在己巳冬十月六日恭逢
五旬萬壽大慶中外臣民臚歡祝

釐者鼗鼓軒舞溢郭闔郭

臣

謹按天地之數始於五

繫辭言大衍之數引而伸觸類而長分之爲奇
耦陰陽推之爲元會運世是以通其義于書則
爲洪範之九疇而皇建之極適當五位之中以

其建極者斂而錫之則爲五福又通其義于詩
既醉一章實備五福而天保之答鹿鳴諸什則
又由五福而進之爲九如他若江漢之詩曰天
子萬年天子萬壽於以宣豫嚮和導揚盛德者
蓋千載如一轍我

朝

聖

聖相承

創業垂統

皇上體元御宇

錫羨延洪

執兩用中

朝乾夕惕

兢兢業業惟山陬海澨或一夫之失所是慮所以

建極而

錫福者旣已至優至渥乃猶

聖不自聖

預勅廷臣抒誠祝

嘏毋取浮語虛詞以明頌不忘規之義伏念臣禱味

寡識備員詞苑忝以文章爲職曾何足仰窺

高深於萬一謹就聞見所及紀實敝辭依四聲全韻

敬成

聖壽頌一百六章章八句用附衢歌巷舞之末云爾

其辭曰

帝出乎震奄有大東山名長白江號混同靈萃祥發

宅大圖中

鴻庥汪濊

福嘏日隆

右第一章

天鑒有赫篤祐斯鍾

肇造區夏式廓提封

櫛風沐雨

洽累熙重遂薄四海

勲集球共

右第二章

列聖受

命耆定萬邦日域東惛月竈西降

神謨

廟算武功無雙用垂弈祺恢此鴻龐

右第三章

欽承

昊綽作

君作

師與

天合撰因地制宜民順

帝則不識不知皇春帝夏作茲皞皞

右第四章

皇天眷佑惟

德是依自民視聽其理原微

單心翼翼

盥食宵衣

緝熙執競以勵勅幾

右第五章

續承

大寶有那其居元辰

授

受畢會車書肅恭恭幣濟濟爰間

鴻儀隆熾咸歌樂胥

右第六章

四時爲柄

聖執其樞迺闡坤珍迺握乾符以康九有以奉三無

天工人代模唐軌虞

右第七章

維

皇繼序

祖訓可稽

成憲是則

舊典弗迷
諸南變北
漸東被西

觀

光

揚

烈旦復旦兮

右第八章

化成久道

壽域無涯庶民其乂百尹允諧一意同欲四海孔皆

漸仁摩義以洽

宸懷

右第九章

聖人之德厥德不回

文明內鏡

神武外恢帝王道備仁聖事該太和翔洽如登春臺

右第十章

我

皇撫運用康乂民戎亭息警文館盈紳綿區飲

化匝宇歸

仁克綏

皇祚

景貺駢臻

右第十一章

我

皇御宇如

華繼

勲

深仁淪浹協氣綢緼爲衆父

父戴

大君君惟

懷沖挹

衣

德紹聞 右第十二章

聖心惟孝

問視

寢門

承

歡

繼

志

錫類敷恩

言思維則

身慕長存下觀而化以莫不尊

右第十三章

維

聖紹

聖已安求安其難其慎

克仁克寬

普予澤博

撫字心殫圖陳耕織斯夕是觀

右第十四章

中爲心法治道攸關虞書肇始殷誥載殫

皇衷默契思易圖艱因物付物善轉如環

右第十五章

章

皇自敬德爲天下先持盈惕若保泰凜然暑則顧民

威常畏

天無逸作所

帝念彌虔

右第十六章

至誠無息

大德懋昭

廣求民瘼

聽納風謠政崇樸實議戒浮囂惟精惟一

道邁唐堯

右第十七章

服勉布製玉等塊拋衣經三澣膳徹兼肴樽節是務
逸欲無教

慎乃儉德兼容并包

右第十八章

批章答奏午夜

丹臺傳香符漏分刻不撓

晨衣星燦

盱食日勞

勤敷德政以勗官曹

右第十九章

聖皇治法秋肅春和

軒鏡在上輕重不訛如馭六馬如持太阿蕩平正道

無偏無頗

右第二十章

齋宮祇宿

郊

廟告嘉率牲旅幣席越尊汙

降輦拾級尺寸弗差

皇心奏格瑞靄雲霞

右第二十一章

堯咨湯禱上孚

昊蒼甘雨夏沛祥霽冬滂

省耕

省斂曰雨曰暘三農和宴九野平康

右第二十二章

丹筵進御

講席經橫堯文義畫孔思周情

鴻猷與旨振聵發盲

大文垂訓稽古存誠

右第二十三章

登臺觀稼清馴風洽轅紉耜纂壤綠疇青

四推載舉

皇心攸寧

神倉

帝藉三時薦馨

右第二十四章

銀潢

天篤

玉葉雲蒸水源木本遴才選能固惟盤石戒斯履水

引而勿替逮于孫仍

右第二十五章

聖作

聖述嘉謨嘉猷戡戡

史成寶並圖球

晨興跽誦

心與目謀不愆不忘小大率由

右第二十六章

關山衽席江河帶襟藩部麋集

六飛載臨優以祿秩任以腹心長城飲馬安騎裒駸

右第二十七章

帝眷耆舊作朋惟三服榮

宮錦騎

賜禁驂

養賢典重在子

恩覃

錫詩誌慰

渥澤汪涵

右第二十八章

九重萬里咫尺堂廉

辰告彌切

書接用占大吏日

觀百寮時

天顏溫霽備悉洪纖

右第二十九章

掇淪抽沉

簡在必嚴

知人則哲感以至誠洞若觀火快若脫銜

宸聰獨斷

丹筆親緘

右第三十章

傳餐

視事題奏分董上陳

黼座百爲是總如萬斛泉瀉穿百孔若網在綱以制

羣動

右第三十一章

三考六計虞周典重澄敘有方黜陟無壅

獎厥勤勞

警其闕冗無曠庶官治成垂拱

右第三十二章

幢擁碧油騎先赤棒分守封圻治術宜講息彼鼓桴

清厥訟鈺察吏安民宜拔強項

右第三十三章

親民之官自守令始守令得人政平訟理惻惻無華
循聲斯起

天聞若雷臣心如水

右第三十四章

辟離海流創構宏瑋

聖皇莅止威儀暉暉

釋奠禮成陳鼎設篚執經圓橋

皇風載馳

右第三十五章

帝重儒臣瀛洲宴舉鳳集鸞翔雲蒸露渥暉映壁奎

縈迴島嶼颺拜賡廷音全律呂

右第三十六章

練士詰戎首崇畿輔羅峙百校列陳千部赳赳桓桓
如熊如虎惟安不忘光昭

神武

右第三十七章

簡閱有常盛修軍禮兩翼八旗父兄子弟鶴列前排
魚麗四啟望若火荼天河淨洗

右第三十八章

飛放舊泊浩浩渤澥三品田獲一面網解觸矢鳥驚
值鋒獸駭飲醕舉烽割鮮何夥

右第三十九章

松漠龍城上都斯在地富羽毛令嚴樵採圍場宵合
旌門晨待軍實用修

恩覃捆載

右第四十章

夏箴旣鈞唐弓始緊挽強破的如繩之引以威天下
衆情惟允敬述

御碑千秋標準

右第四十一章

赫赫神槍觸物遠近不疾不徐剎那喉吻發之以時
電掣星隱

家法不忘用展厥蘊

右第四十二章

潢池利兵

申諭專閫

天討所加輸誠納悃賣劍買牛靈臺伯偃灌燧銷鋒

劭農務本

右第四十三章

黃教聿興衛藏斯款

皇朝撫之如翼而卵坐牀掌瓶羈縻勿斷膜拜稽首

仰遵

聖算 右第四十四章

天山列戍犬牙交綰寓兵於農民田可限牧衍井泉
大開沃產碁布星羅恢我圖版

右第四十五章

郵程立法利于流轉騎控望塵足胝重繭飛符釋
會未息喘勉旃大吏厨傳必翦

右第四十六章

恩錫旗租時惟歲杪

賞賚駢蕃無大無小祭韭獻羔古風未杳鞠人謀人

先烈克紹 右第四十七章

宗支立學出入酉卯下逮八旗

澤敷芹莠朝考夕稽爾力爾巧

聖治同文人思德飽

右第四十八章

大濛西極地志增考入貢獻琛博我

皇道

帝念遠人珍物非寶

大化普施

惠鮮懷保

右第四十九章

瀛島諸邦相風鼓柁入觀

皇都

殊恩世荷鯤壑永綏鯨波無簸瞻仰

天威不遺卑瑣

右第五十章

修我城隍度地高下鞏固金湯體國經野睥睨森嚴

以綏方夏

丕冒海隅用

錫純嘏

右第五十一章

常平之設木饑金穰

補助以時出入無爽陳陳相因元元共仰惟

帝其卹

澤博而廣

右第五十二章

法駕時巡羣情望

幸穀乃登倉養不改井

大業所基無忘松杏

書

戰

記

勲用泐

丹頡

右第五十三章

地肇

龍興

宅都定鼎蔽芾神榆靈鍾秀挺中外一家不分畦町

天作高山敬薦醴酪

右第五十四章

赫赫

祖廟百辟奔走

大政

崇政夾峙左右

陟降在庭

佑我

元后於萬斯年克昌厥後

石第五十五章

鬱鬱

珠邱奕奕

閼寢運啟

橋山氣鍾遼瀋

祖德

宗功

觀揚風稟

展拜

寶城綿延倍稔

右第五十六章

聖迹肇基

天威震撼

冠服

神留弓矢

手擎

先澤用垂精光不揜什襲尊藏

帝誠昭感

右第五十七章

聿追

創業

克勤

克儉諫木衡平糠燈光斂

夜寐夙興慮微防漸

永念

前徽所期無忝

右第五十八章

漢記蕭曹宋稱韓范豈若宗英功垂號闕肅穆弓刀

貞珉有範

酌酒酬勲

澤濃恩湛

右第五十九章

振振者麟嘖嘖者鳳奉

祀留都時享歲貢

帝系縣長

天支伯仲設几肆筵松牖雲棟

右第六十章

迴蹕

法官河清載頌千里長隄浞津錯綜輓粟飛芻實關

正供

華蓋親臨用咨決壅

右第六十一章

於廓靈海潮汐騰開丁字直沽恒憂擊撞疏導機宜

石錚泉淙波臣效順歡聞里巷

右第六十二章

綏靜畿封責惟臺吏鹽筴牢盆寬逋瘠地士聽絃歌

民安樂利

詔下十行羣沾

德意

右第六十三章

池號昆明雲舒霞蔚彩映波明風颺浪沸壯哉水師
羽儀肅毅以整以暇克揚兵氣

右第六十四章

香山之麓累石高踞練習雲梯羣士飛翥健銳斯創
三營分署禦侮于城爲

聖皇助

右第六十五章

秘策風行

神謨露布

懋績旣恢藏兵武庫火器建營長河永護有翼有嚴

恒貞

帝祚

右第六十六章

三壤成賦上關會計水冲沙壓轉爲民厲爰

命普蠲俾安樹藝樂歲載歌烹羔以祭

右第六十七章

章

厘念宣防惟河爲大轉漕東南淮黃交會衡樓清日

民生利賴

帝用疇咨帑金疊沛

右第六十八章

河水洋洋侍其險隘南旺徽山泉分幾派漕艘通行
漏卮亟戒

勗爾官箴守之以介

右第六十九章

耕九餘三粟米是載積久蠹生吏胥故態端本清源
普命平糶稂莠實除擇良以代

右第七十章

一隅偏災封章遂進

皇帝曰咨乃蠲乃賑給賑貸籽惟憂道殣

申命有司

曠恩普潤

右第七十一章

粟米有征

聖人承運歲或不時

灼知民隱黍稷桑麻屢廛

清問

帝乃撫之阜財解慍

右第七十二章

皇篤于文

廣稽彝憲抉聖賢心著經史論

萬幾之暇

天行至健惟

帝聰明敬修可願

右第七十三章

皇博于古

折衷論斷正謬訂訛理明義判書進西清編呈東觀

悉稟

鴻裁用昭

宸翰

右第七十四章

奎製鏗鞳上符雲縵今古彙編璧聯珠綰

錫宴賡歌臣工靡間

元音雖喈陋彼斥鷃

右第七十五章

布帛菽粟

至文乃見毋取艱深毋取研鍊

勤政闡理解經補傳

天章景倬如日消霰

右第七十六章

會典昭垂實關

朝

廟綱舉目張鈞元提要

特命葺修搜羅

制詔損益百王煥乎有耀

右第七十七章

聖治光昌暨訖

聲教文穎館開爰

命分校鈴閣晨鈔玉堂夜爆傳示藝林人窺全豹

右

第七十八章

帝禁貢珍以

示怙冒捐玉捐珠惟德是好

聖人知臨福源乃導坤紐乾維共欽

覆燾

右第七十九章

帝納芻蕘箴言置座葑菲並收風聞非過用

獎入告

聖恩寬大不忘進規

天庥遠播

右第八十章

帝念民生瞻蒲望稼應候

澤敷順時

星駕

詩詠木棉歌聞耙耨蒔屋茆簷羣沾

元化

右第八十一章

帝重民命圉扉誰翔時用矜疑況加撈掠立法原情
惟平斯當

大德曰生雞竿共仰

右第八十二章

野有耆民

邦家之盛壽躋期頤

特頒異命食德飲和遂生復性累世同堂

國恩家慶

右第八十三章

學古入官勉期報稱獲愆招尤事非預定

宥其一眚後先經庭惟

皇仁慈動則不應

右第八十四章

齒宴肇開

寵光

帝胄棣萼聯華瓜絲比茂

慶命旁流鈞天疊奏却杖趨風稱觴奉

壽

右第八十五章

一德一心老成是任秩晉

賞加笙簧醴醑

福錫

紫宸

恩承

丹禁大裘共溫廣廈同蔭

右第八十六章

班祿有經厚而不濫

帝念官常至再至三以儉養廉明志惟淡以懷永圖

求寧非暫

右第八十七章

盟府公忠其勞可念不有汗青遺跡奚驗與祀與謚

竹帛詞爛

帝命詞臣並登鉛槧

右第八十八章

德不恃險曰於古鑑惟我

聖宇萬國梯帆蒙古諸藩不須設監地接耕屯文同

華梵

右第八十九章

萬靈獻祥百穀告熟九譯陳情祝

釐黃屋

帝益寅虔旻旻穆穆

大澤醲醇極

天所育

右第九十章

壽寓恢宏

天祐彌篤駢闐歡呼家給人足邑邑都都相望相屬
和氣靡鴻四時玉燭

右第九十二章

嫺德姚風千舞韶樂

仁壽之祥兆於淳樸在周岐山來儀鸞鷟何如人瑞

太平昭倬

右第九十二章

雅化作人榜增甲乙興賢選能三物四術經明行修

景征叶吉

特正文體刊華獎實

右第九十三章

皓首觀光青雲氣鬱隊逐黃槐

恩宣丹綍逾格榮施乃膺簪紱人守一經名登千佛
右第九十四章

月正元旦百僚祇謁

丹詔鳳銜周於月窟紫氣輪圍

御烟蓬勃綳綳緼緼

大朝

金闕

右第九十五章

晨拜

彤廷天清氣豁
甘露盈階
榮光繞闕
水陸紛陳
笙鏞

肅括

恩比傳柑餘珍拾掇

右第九十六章

國有

大慶上下昭察
山陵鬱蔥
川嶽垓北
展幣奉香
星輅

載率

福洽神人庶徵次八

右第九十七章

制誥寵頒衆情咸悅

寶璽

鸞章崢嶸綽楔扶杖拜稽

恩加耄耄烏烏私衷風霜峻節

右第九十八章

珮委紳垂隨班

鳳閣凜切冰淵心傾葵藿有

命自

大千官進爵華祝嵩呼情殷忭躍

右第十九章

聖合

天地道通於釋

佛日長懸須彌一脈鷲嶺伊迎獅林式闢惟

無量壽受無量益

右第一百章

十月六日

聖齡

天錫璇幹熒煌珠杓的樂

美意延年

受祉亮績

萬壽無疆

大典光迪

石第一百三章

五五相乘

乾行不息數協神圖

位正皇極保合太和恬熙化域春秋八千

鍾祥毓德

右第一百二章

俾

壽而康

保佑必及記珠算綿秉玉祥習存存性成丕丕基立
配極延齡

福徵慶集

右第一百三章

時和景清誅蕩闔闔衡正階平星輝曜台山嶽嶙峋
芝蘭環匝逢吉康強歡臚福納

右第一百四章

帝念謙沖

皇情和愜貢匭罷函嘏辭啟篋

慶典既卻

宸衷允協祛泰黜華

垂訓萬葉

右第一百五章

化普由庚籌添花甲壽角天旋卿雲霄夾

日升月恒會昌

景業

小臣

矢歌敬抒欣洽

右第一百六章

皇上五旬萬壽恭頌

謹序

孫爾準

臣聞碧廬肇祉萬八千歲以來紫極瞻星八十
一州之外圖呈蘭葉翊龍躐於翠嫺夢啟梓庭
表鳳銜於蒼籙仲辛刻玉榮河顯日稷之區甲
子修壇飛昴汁星精之瑞兩珪日月發玉牒之
英華九有共球受金符之神福莫不虹流月貫
用告帝祺銀溢金騰式彰瑞應厥後寶鏡絲囊
之節光宅賜醕五麟七鳳之廬社鳴浴聖昭祿

艾則黃神北斗頌壽祉則紫氣南山固已吉祚
大來淳風丕鬯從未有揚禧震旦均慶坤維焜
耀太初曷奕今日者也洪惟

皇帝陛下

聖由天縱

福與日升

契靜樂之天懷知仁成性

體中和於淵裒位育函基

斟四德之元

握乾機而運世

躬九疇之壽

陳泰筴以演籌茲屆嘉慶十有四年恭值

皇上五旬萬壽屠維名歲理紀著其純陽芒駱躔辰

世界名爲熾盛五生數而十成數中宮之遞嬗

無窮幹得乾而枝得坤大衍之揲推有萬皇春

帝夏遊綿寓而知舒卿月民星湧潮音而獻頌

丹膝甄貺敬推諸福之原玉燭凝和端本

一人之慶

皇上貞明二曜

肇祉三微

裁成於夏賞冬刑

效法於春槩秋萬

紺壇冠日已昇猷鼎之煙

蒼璧含春更奠燭垓之玉

詩吟

零孟珠璣隨甘雨交霏

禮展

祈辛瓊玉與青旂相映以方以社

昆侖雕壤之文于東于西

朝夕竹宮之拜是以苞禽叶律

采孫竹孤竹之音朱鷺調歌

定迎神降神之制此

祇承之敬德也

蘿圖席瑞欽

繼體於

舜華

芝璽承基凜

傳心於

堯誠

琅函紀實纂

思文下武之全

玉牒聯華毓日幹璿源之慶

寅承

家法修祕極於

禁廷

申繹

詒謀啟金滕之恭館

橋山弓劍十年隆

祭畢之儀

原廟衣冠萬國合

升禋之典此

昭清之孝德也

龍屏始敞言匭先來虬箭未沉鳴磬已戛

星雲煥采

屏書彤展之箴

雨露流春

詔渙紫綸之澤綠籤鱗次聽

謦欬於雲間

丹筆鸞迴拜

恩榮於天上四門式闢機廷承

晝接之文八表偕來方岳夙

秋朝之駕又若黃流九曲奠恬瀾於瓜蔓桃花翠甸

周巡

勤清問於扶風馮翊

侯章莅事無間乎正支反支

選政調風不分夫甲夜乙夜是則中宵七起不足以

喻勞謙一日萬幾不足以形虔輦此

飭治之勤德也西疇閔雨卽厘

堯吁東屬初咨已紆

禹思儲紕轅於

金闕

典劭四推鞠翠隴於玉津

情深一垓

春膏遍地全蠲倚閣之租

秋省迎鑾特沛舊豐之澤轉雲帆而輸絳魚留無星
散露積以發棠蠶麤待雪圭田洒潤每憐後已
之情

琴軫流薰未解先憂之思由是

銀豪摘詠涵二十四氣於句中

翠墨繡圖譜四十六章於畫裏記幕樹浮波之瑞兼

及公桑詳烏鱗白縹之珍旁羅古貝所以一日
二日紀幽館之星辰治震治離作明堂之月令
然且易夏臺以畫木必禁兩原奏秋斷以釣金
猶詳五聽奚必禽遊絕澗網解凝脂已知草韞
園扉星空貫索此

煦民之仁德也鴻都左制環觀聽於橋門

黃繖西清侍敷陳於

經幄槐廳

錫燕式邀

玉步之臨芸館成書載續瑯嬛之記石渠延閣豐編
觀典禮之通金鑰銀繩信史立權衡之準況復
宣風製什曜鉤含霧之光華

載道爲文摘洛鈴河之奧蹟

慶霄五色仰萬首之昭垂

玉券十華更八年而裒集加以班詞崔旨奏

御輯一代之元音柳雅韓碑文體薈三唐之作者斯

則

儀璘鏡而睂閭亦曜其光

奎壁臨而樸僊亦揚其采此

文治之不昭也

威霆無外奮武烈以安民

秉鉞有虔法文昌而命將芒斜玉弩焚崑若妖鳥之

巢聲震銅焦橫海靖狂鱷之氣愷歌示喜颺歸

旆以春風桐鼓抗稜卷綬旂於秋駕稠雍釐瓚

莫六幕以孟安宴鎬傳杯鞏十洲而鑑淨猶且
鏐旗表貉練七萃以從蒐臬鏡祭軀秉三會而
耀武鴻絅蔽塗三巘揚甫草之畋虎落張陸萬
騎震長楊之獵是以陣成蛇嶽屹磁石於金城
版入龍堆懽鐵菱於玉障此

武功之震疊也迺復

乾襟益勵

謙德逾冲節

趨步以韶莖籥

神明於璧幅

詔先約已不侈經壇咀祝之文

福必同民用頌鳳綵雞竿之惠名山盪節青雲神鳥
之香若水鋒車金版蟠螭之祝蘭芬玉映錫胄
齒於宗盟四皓三朋介龐眉於大耄璆書賁采
荷鳳誥之新銜紳珮疏榮晉魚章之舊秩上庠
鼓篋藻芹沐三澣之間下里旌門綽楔燦五雲

之署脫青袍而升霄漢士奮甲科拔絳老而起
泥塗人疑亥字減逋租於蔀屋鴻野無間寬隱
課於溝塍燕田不稅六軍約服盡給餐錢三祝
蜚羅無煩嘉石所以

春祺溥錫益漿散太極之泉海會咸臻

寶帙演長生之籙也時則蘭秋初屆式啟

霞莊蕙路經行欣迴

天囑靈由地獻黃圖開和會之都景本天成紫塞關

清涼之府神芝秬草適符

對育之襟皓質縑文胥繪恬熙之象則有大宛絕域
蒙古名王元菟東來朱波南洽琉球請憲班禪
頂經受餼潔水之濱列館汾河之許表騰金葉
隨奇花香象以俱來印拜銀黃馳綠綬封馳而
入貢於是柏梁

賜宴石挺流杯酌邠酒以稱觥
羣虞旂而侍

射龍吟匄輶筇虞鏘調露之歌燕濯都盧角觥試拔

河之技鸞鵠溫樹浹

元圃以儀鯀鰲抃方壺匝裊瀛而寫慶然後

六龍迴轡順

蹕路以言旋

五鳳停驂嚮

御園而蒞止嵐光翔鳳湖色浮螺戶散綵以爲霞地

涵珠而作沼桂華都荔奏法曲於壽人摩跋多

羅滃名香於

佛座人天嘉會何殊青鷲靈山蓬閬仙居便是蒼麟

小海旣而衢歌巷舞爭抒就

日之忱鼓笛棚車卽奏

還宮之樂雞人詔旦瞻華蓋於

璿霄

羽仗捎空肅勾陳於黃道周廬千列備六十四葩

嬰玉璫之儀衛尉八屯羅八十一羽葆牙幢之

制罄天構宇交闔張白阜之圖蓋地恢曩壤莫

逕紫微之域聲傳

萬歲欲齊

嵩岳之呼典重

大朝同快

景卿之睹斯則受西王之玉琯未彰

昊錫之符現南極之角亢欲協

天齊之壽者也

臣身依

禁籞職在詞垣幸際

昌辰敢闕道筭

乾坤燾載難名大造之恩

日月升恒敬效九如之頌謹拜手稽首以獻其辭曰
五運題期萬齡肇旦懿惟

聖皇卓蹤德冠瑤筐銜珠金樞繞電

天地一家

長春錫羨

章丙春

首祚延喜炳符

齋洛告

禴

祓河

授圖天池洗旆星鉉直弧龍驤入極熊泉一隅二章旣
耆

武功載敷

文德歸晷靈臺祭牙頰璧文昌珠聯太史鏡拭三五

前軌入九遙迹

三章

阮隄比管雲和絙瑟配藜

上元飛禪

太乙

誠翼烟升

祇孚福胙凱飛扇和甘零應律

四章

寶訓晨披

璇闈肝御瑞絲

鼎錫芬仍

羹慕

道照鴻軒

化馳象路鈴曜暉星甕祥溥露五章赤文侯甲朱絲練

辛鸞聲能夏龍氣迴春

巡周金句

慶洽析津四乘

飭吏一豫

勤民六章

湯露濡毫

舜薰叶奏璧日懸暉銀潢澄宿

教思臨宜

文明晉晝杞梓敷英蘭蕙翹秀七章地勢苑根天高挈

柄五嶽無塵重瀛湛鏡計旬

命使占風內請雲呂氤氲星槎游泳八章昉昉

文圖泱泱武列羽琤爵觴岐陽獵碣鑿齒雕題元蹕

赤舌驃樂十部渝歌一闕九章鳧鐘宵警

龍樓曉闢

閭闔九天衣冠萬國山川納祿

泰元增策十地臚愉

萬年有懌
十章

登三成五頌

謹序

王 綬

嘉慶十有四年月在吉亥恭逢我

皇上五旬萬壽慶辰於時天保之臣華封之吏儒館之士康衢之民熙熙然融融然咸遊於

義年

昊歲之中

舜日

堯天之下靡不懽忻蹈舞形諸詠歌爲我

皇上勦

嵩嶽之壽禱

億萬之齡綿

覆載之祐朝熙門穆邑頌巷歌樂情潤於扶袵禮意

崇於簡牒懿乎鑠哉自昊穹生民以來所不易

觀之

鴻庥三代而下弗可及已臣聞不已者道之貞夫一

也必壽者德之命自天也黃戲以前仲尼不道

其詳不可得聞矣論者曰道莫盛於三皇德莫
隆於五帝則是紹天闡繹啟聖凝禧必推本於
太昊皇初之首以下逮於陶唐有虞而後知道
之所由興德之所由名與夫壽之所由致也今
夫三皇五帝之號昉自周禮內史氏而不指其
名其次則見於秦博士有天皇地皇人皇之議
孔安國書序乃始以伏羲神農黃帝爲三皇少
昊顓頊高辛堯舜爲五帝鄭康成註中候勳省

圖則以伏羲女媧神農爲三皇司馬遷作史記
紀五帝與大戴禮所稱黃帝顓頊高辛堯舜者
合夫孔子大聖人馬遷一代良史康成爲世儒
宗而後人讀其書未能衷其是洪惟我

皇上稟徇齊敦敏之姿

備文武聖神之德

萬幾之暇時復上下千古比事屬辭或著爲文章或

寓諸吟詠

崇論閎議炳若日星伏讀

御製讀史記三皇五帝本紀詩則固合馬遷康成之
說而一之大哉

聖言洵足折前人之繁辭爲萬古不桀之定論矣且
夫

皇上之道三皇之道也

皇上之德五帝之德也仰惟

臨御以來凡

敬

天

法

祖

崇儉

勗勤

經文

緯武

制禮

作樂

養老

愛民諸大政所以提挈陰陽搏捥剛柔豐茂世之規
醇洪鬯之意夫豈不可閱三皇之寥廓涉五帝
之登閎哉然猶深藏博觀旁搜遠紹

讀三皇之紀則於伏羲揚始基之美於女希徵感召
之神於神農慕教化之徧

讀五帝之紀而修明愛育美黃帝之教養焉養材載
時贊顓頊之化育焉九招五正嘉帝譽之美盛
焉作君作師欽帝堯之首出焉執兩用中凜帝
舜之兢業焉夫言爲心聲心爲行本我

皇上以三皇五帝之心爲

心自以三皇五帝之政爲

政而因以三皇五帝之壽爲

壽且並合三皇五帝之壽以爲

壽也詩曰惟其有之是以似之然則溯

祥源探

福緒臚歡玉筴溢樂瑤卮彼南臺北祀未足以詠夫
保艾也禹疇箕範未足以衍夫康寧也嵩呼介
應未足以頌夫綏祺也山崇川增未足以揚夫
祥錫也施博者祐備積厚者基崇

皇上之壽

皇上之道成之

皇上之德致之而道與德之所以必壽也則於

皇上所詠之三皇五帝信之臣用是紬繹萬遍鑒古

證今求先

後聖揆一之原卜

億萬年無疆之慶謹撰登三咸五頌二章雖少異乎

後陳祥嘏之詞而臣識庫才蕪譬諸管窺蠡測

究無以闡夫道全德備之精而仰贊夫

皇煌

帝諦之盛也敢拜手稽首以

獻

登三頌第一

聖德

天仁

聖治皇春膺圖緯運

作聖

超人參化之區網緼化醇秉道之真剛健日新守始

治紀或創或因有如伏羲陰陽協時五氣五緯甲幹
子枝探彼皇策演我神著幾微闡奧藏顯握機損益
之理和同之宜四德首元萬物先幾探微索幽章往
察來十言六畫罔費測窺又如女媧履中布綱制度
承羲迪主東方上際下契馨烈翕張蘆灰止流鼇足
立疆

聖人法之川嶽效光黃河洋洋永定湯湯注走虜汜
溜掣陶莊法資相度

睿智周防醴渠道脈障泄安詳崑崙西來九曲槎揚
海門東之千里隄長補救資人

宏咨贊襄簡稽徒役以禦靡常安澗

作歌繼聲都良又如神農虛素以公剗剗民食學於
老龍堡土燒糠卽我田功耕兮龍斷六穀穰豐刻鏤
燿盦捐鬴曰春以蒸以菴粒食民充布帛之利桑麻
芄芃衣被萬家熙春挾冬

聖人育物

仁政則同

祈穀上辛禱祀

昊穹

躬耕

帝藉

四推恪宗耕織之詩歌豳之風木棉之圖刻木之工

民數穀數眷乎

宸衷不匱維勤

德音邳隆卽有饑毀惟

帝彌縫截爾艘粟以綱正供貸爾稽逋以濟民窮爾
饑爾粥含甘醲醲爾寒爾衣負暄曠曠

敘恩

渥澤

惠浸旃幪農祉蟬聯

福嘏與崇其他

德意罔弗兼備書契代繩

聖敷文治

定本琅鐫

隨筆錦麗一集八年富

萬萬歲先琴歌薰鑒篆書穗彪炳藝林

聖益神智芹鸞梧鳳來卽文瑞蕊榜迭開蓬山廣致
待優責厚

訓我士類粉藻匪華經術則貴儲才勵品菁菁薈蔚
謀賢經國閱義濶制木石爲兵威懷八紘共工補遂

爰伐不庭

聖纘

十全

睿畧惟精秦隴荆蜀揚颺震霆蜂屯蜉撼一鼓以平
渤澥之區金落鯢鯨殲魁縛巨

威

德並行

聖武之揚

聖福之成近者秋獮肆武干城

聖發我矢瑞鹿鼎登鹿之言祿

天錫祥徵

聖博皇道道以一貞

聖建皇極極以正凝符闡乾乾運隆蒸蒸日上應
三日後庚

歲萬八千洪竿羨增

咸五頌第二

帝者上儀與天同絜甄陶九有普汜萬類

聖人稽則五德淵契

聖歌黃帝神聖齊叡夢龍圖授承熊位繼稽功務德
并謀兼智輕重九棘以作金幣陰陽六簡以定律欽
袞龍之頌化狐之制重歟襲愍燦然大備

聖歌顓頊黃胙載續有謀知遠懿德敦篤乘金天辰
秉元帝錄恪共厥業舊物克復事分職正主安民樸
射志習雅耘耔得穀制幣利用惠窮綏福濬明昇聖

下心蛾伏鐘磬文郁干戈武肅四行八外靡不砥屬
聖歌高辛厥德聖神嶷嶷涖涖博愛利人政大於信
治大於仁建理五正惟天惟民次序三辰寅饑寅賓
順天序列清明賦均廣莫綉明禮樂和醇不童不弊
仰鏡彬彬九州共貫天下尊親

聖歌帝堯佐摯封陶如天如神德言孔昭宛心約志
智力不勞衢室處尊不廢芻蕘攜宮徽暢不翦蓬蒿
忠正位揚勤孝閭褒杆梓竹帛銘戒有操飾車駢馬

衣乘有條麒麟來遊鳴鳥遠逃刪書獨斷以啟虞姚
聖歌帝舜孝德令聞服澤之區河巖之畔陶漁耕稼
象筮肥遯七徙成國五行券運長人感夢以備三問
明揚側陋上日位巽執中立極垂統理順史美協帝
歌慶復旦如日重光如星重暈帝道克全疇引而近
惟我

聖清遠

紹儀型

重熙襲暉繼繼繩繩

聖人嗣

服益纘厥成

法帝之仁

溥澤寰瀛虞庠尚齒三老五更麇稻駕綺華髮拜登
牙笏緋衫白首希榮眉梨波娑軒舞

彤廷三宥

紹堯

德洽好生罷科鉗鑽一心鑑衡慎爾用刑

至論冰兢敬爾折獄

睿慮天承煒煒鷄竿求莫求寧善氣四沛

恩光萬盈

法帝之義肴覈備至觀事

法宮邁軒建治

勤政

祖訓

作箴

作記如銘巾几敬怠異致怵怵儉德

恪守益力捐金投璧何輝何媚節以制度乾不言利

廿和白采

慎德淵粹

紹項時巡

體虞明試

法帝之敬

奉

天行慶肅將

郊

廟歲時禋崇必

躬必

親

祀典明盛類禋望徧同揆前聖

法帝之孝孺慕惟肖

天儀克摯瞿瞿之貌

祇遵

彝訓

纘承

至教

肯堂

肯構是則是倣

聖德維淳

聖翰維新五十八篇雲輝星陳斷自二典精一傳薪
冠乎百王訓謚

垂綸載歌載賡

天祿命申河五洛十厥位維均愆數協著積年綿椿
來我封人富壽駢臻命我大撓甲子萬輪以介撫龐
以祝居鵲登三咸五大哉

聖人